

國

朝

列

卿

紀

國朝列卿紀卷之九十

柱國少傅兼太子太傅工部尚書豐城

提督應安等府學校監察御史同邑徐

大理寺

夫大理者古秋官之任自春秋時晉文公使李離楚昭王使石奢各爲大理其名始見秦爲廷尉漢因之景帝中元六年更名大理武帝建元四年復爲廷尉哀帝元壽二年復改大理後漢置廷尉卿凡郡國讞疑皆處當以報歷魏晉宋齊梁陳或改爲大理或復爲廷尉更名不一其職任則同北齊曰大理寺置卿少卿各一人隋初同北齊至煬帝加至少卿二人唐神龍元年

加至三人丞六人主簿三人司直六人評事十二人歷趙宋以來雖有損益而其名相沿不改國初置大理司正三品衙門設卿少卿丞洪武元年革十四年復置始改爲大理寺正五品衙門其屬置二寺二寺設左右寺正左右寺副左右評事及審刑司官十九年革審刑司二十二年復陞正三品衙門二十六年設司務二十九年寺復革後改寺爲司永樂初年復爲寺設官仍舊十九年定鼎北京革行在於留都加南京二字洪熙元年復稱行在於留都革南京二字正統六年復永樂十九年之舊仍革行在二字定爲大理寺於留都仍加南京二字以別之然大理寺自永樂十九年以後凡天下刑名罪有出入者審駁

悉歸於北委任視南尤重所期推情辯明使刑歸有罪不陷無辜以質之 朝廷與衆共之之義也使一失其平而天下用法皆爲之輕重民安所措其手足乎今次各官年表於後其行實見於事紀其勲德茂著者表爲列傳

國朝列卿紀卷之九十

柱國少傅兼太子太傅工部尚書豐城雷 禮纂輯

提督應安等府學校監察御史同邑徐 鑒校梓

國初大理寺卿年表

周

禎 應天江寧人 吳元年由本寺寺丞任詳刑部尚書

劉惟敬

二年 月改廣西參政詳國初刑部尚書 人洪武元年協同周禎理司事

李仕魯

山東濮州人 洪武初年薦舉 十四年任十六年忤旨以死

郝俊

浙江歸安人 洪武十七年任

邊泰

人 洪武十八年任本年降為監察御史

趙勉

湖廣夷陵人 進士洪武十九年由本寺寺丞 陞任二十一年陞刑部 侍郎詳戶部尚書

張廷蘭

湖廣澧州人進士洪武二十一年由本寺左少卿陞任二十四年陞通政使詳都察院左都

周志清

人薦舉洪武二十四年任詳刑部右侍郎

唐盛

直隸華亭人洪武乙丑進士二十七年任二十八年致仕

馬京

陝西武功人進士洪武二十九年由通政使改任並除元年被劾降肅政按察司副使詳北行部右侍郎

薛崑

河南閿鄉人洪武中薦舉革除四年任永樂二年以事謫廣西後死交趾

呂震

陝西臨潼人鄉舉永樂二年任詳禮部尚書

陳洽

直隸武進人薦舉永樂三年由吏部右侍郎改任四年督交趾軍餉詳兵部尚書

耿通

山東齊東人洪武中薦舉永樂四年以右寺丞陞任年出使安南後坐奸黨死

周舟

湖廣益陽人永樂初年薦舉十一年任

國初大理寺卿行實

周禎字文典應天府江寧縣人吳元年任大理寺丞本年陞大理寺卿十二月同省臺李善長劉基陶安定律令論之曰立法貴簡易使人易曉若條緒繁多一事兩端則人得實緣爲奸卿等盡心叅究逐一來上吾與卿等斟酌十二月上恐民不知律令或有誤犯者命禎直解其義至是書成上覽而善之曰直解徧行人人通曉則犯法者少矣洪武元年陞刑部尚書詳國初刑部

劉惟敬卽惟謙元末遊江南吳元年任大理寺少卿洪武元年擢本寺卿協同周禎議律令本在改刑部中十二月遷叅知

政事詳刑部尚書

李仕魯字

山東濮州人洪武初任薦舉十四年任十六年

忤旨死

鄒俊字

浙江歸安人任祥符縣丞任職以廉能稱洪武十

六年任十七年太平府民有毆傷孕婦至死律當絞其子乞代
父受刑 詔大理寺詳議俊議曰子代父死情固可矜然死婦
繫二人之命寃曷由伸犯人當二死之條律何由貸與其存犯
法之父孰若全無辜之男詔從其議

邊秦字

人洪武十八年任本年十二月降為

監察御史

趙勉字

湖廣荊州府夷陵州人。洪武乙丑進士。任審刑司

左詳議。十九年任大理寺寺丞。二十年陞大理寺卿。二十一年陞刑部左侍郎。詳國初戶部尚書。

張廷蘭字

湖廣岳州府澧州人。洪武乙丑進士。任審刑司

詳議。十九年陞大理寺左少卿。二十一年陞大理寺卿。二十二年陞本寺正三品衙門。二十四年改通政使詳都察院左都御史。

周志清字

人。洪武中薦舉。二十四年任大理

寺卿。尋改都察院右副都御史。詳國初戶部

唐盛字

直隸松江府華亭縣人。洪武乙丑進士。二十年任

大理寺右少卿二十一年轉左二十七年任二十八年致仕

馬京字

陝西西安府武功縣人洪武乙丑進士舉文行擢

翰林院編修二十八年命署通政司事三十年正月實授左通

政三十一年改大理寺卿革除元年被劾改四川僉事詳行部

侍郎

薛崑字

河南河南府閩鄉縣人洪武中薦舉任鎮江知府

革除三年任大理寺左少卿四年任卿永樂二年以事謫廣西

四年廣西副將黃中奉勅送陳天平歸國舉崑輔行天平被

劫崑在其中自經

呂震字克聲陝西臨漳縣人以明經領鄉薦拜按察司僉事革

除壬午以城守功歷真定府知府永樂元年陞大理寺左少卿
二年陞大理寺卿三年拜刑部尚書詳禮部尚書

陳洽字叔遠直隸常州府武進縣人任給事中
以兵部尚書茹璫薦授文選司主事壬午年歷吏部右侍郎永樂三年遷大理
寺卿持法平恕民以不寃丙戌交趾黎賊構逆命赴廣西計議
軍事五年交趾平改吏部左侍郎詳國初兵部尚書

耿通字

山東濟南府齊東縣人洪武中薦舉永樂三年任

大理寺右寺丞四年陞本寺卿年出使安南後坐姦黨死

周舟字

湖廣長沙府益陽縣人永樂初年薦舉才能十一

年任

國朝列卿卷之九十終

國朝列卿紀卷之九十一

大理寺卿年表

虞

謙

直隸金壇人。洪武中國子生。永樂二十二年任。本年被劾降。少卿尋復前職。宣德二年卒於官。

楊時習

江西豐城人。永樂初由吏員。二十二年任。踰數日。改交趾按察使。後卒於官。

徐

初

浙江會稽人。永樂癸未鄉舉。宣德五年任。正統四年致仕。

王

文

直隸東鹿人。進士。正統五年。年由右副都改任。詳內閣。

蔡詢

正統七年任。

俞士悅

直隸長州人。進士。正統七年任。詳刑部尚書。

蔡錫

浙江鄞縣人。舉人。正統十四年任。本年出撫湖廣。詳湖廣巡撫。

蕭維禎

江西廬陵人。進士。正統十四年由本寺少卿任。詳南京兵部尚書。

孔文英

陝西安化人進士景泰元年任詳刑署左侍郎

薛瑄

山西河津人進士景泰三年由南京大理寺卿改任詳內閣

李賓

順天順義人進士天順元年由右副都御史改任三年丁憂奪情再任詳都察院左都

王宇

河南祥符人正統己未進士天順六年任七年卒於官

王槩

江西廬陵人進士天順七年由右副都御史召任詳刑部尚書

田景暘

直隸高陽人景泰甲戌進士成化九年任十一年致仕

宋旻

浙江淳安人成化十一年任詳兩廣總制右都御史

彭韶

福建莆田人成化二十一年召任未至改巡撫順天詳刑部尚書

杜銘

四川金堂人成化二十一年以工部尚書掌本寺事詳刑部尚書

馮貫

直隸蠡縣人成化二十三年由都察院右副都御史改任詳南京工部尚書

王

霽

直隸上海人天順庚辰進士弘治八年任九年丁憂

王

軾

湖廣公安人進士弘治九年由貴州右副都御史召任詳南京兵部尚書

楊守隨

浙江鄞縣人成化丙戌進士弘治十三年任十八年加工部尚書仍任正德元年致仕卒贈太子少保

張

鸞

陝西咸寧人進士正德元年任詳刑部左侍郎

張

泰

直隸肅寧人進士正德三年任詳陝西三邊總制右都御史

張

綸

直隸宣城人進士正德五年任詳都察院右都御史

燕

忠

順天薊州人成化甲辰進士正德六年任十年卒於官贈刑部尚書

陳

珂

浙江嶧縣人弘治庚辰進士正德十年任十一年致仕

陳

恪

浙江歸安人成化丁未進士正德十一年任十三年卒於官

趙

鑑

山東壽光人進士正德十三年由左副都御史改任詳刑部尚書

鄭

岳

福建莆田人進士嘉靖元年由汪西右副都御史改任詳兵部左侍郎

湯

沐

直隸江陰人弘治丙辰進士嘉靖三年任六年致仕

劉

麟

江西安仁人進士嘉靖六年由保定右副都御史改任詳工部尚書

陳

璋

浙江樂清人進士嘉靖七年任八年致仕詳刑部左侍郎

葛

浩

浙江上虞人弘治丙辰進士嘉靖八年任十年以災異自陳致仕

周期雍

江西寧州人進士嘉靖十年任十一年丁憂詳刑部尚書

史道

順天涿州人進士嘉靖十一年任十二年降山東右叅議詳兵部尚書

陳

軾

湖廣應城人進士嘉靖十二年由右副都御史改任詳戶部右侍郎

周

叙

湖廣九溪衛人官籍進士嘉靖十三年由南院右副都御史改任詳工部尚書

王

經

直隸開州人弘治乙丑進士嘉靖十三年任本年被劾降一級調外任

周期雍

見前嘉靖十四年起復再任

屠僑

浙江鄞縣人進士嘉靖十五年由光祿寺卿陞任詳刑部尚書都察院左都御史

胡岳

直隸華亭人正德甲戌進士歷巡撫江西都察院右副都御史嘉靖十八年推未任丁憂

牛天麟

山東聊城人正德戊辰進士嘉靖十八年任二十年致仕

汪文盛

湖廣崇陽人正德辛未進士嘉靖二十年召改未任致仕

戴金

湖廣漢陽人進士嘉靖二十年任二十二年陞右都御史仍掌寺事詳兵部尚書

劉詡

河南鄆陵人進士嘉靖二十三年由僉都御史陞任詳刑部尚書

虞守愚

浙江烏程人進士嘉靖二十五年由右副都御史召改未任詳南京刑部右侍郎

李士翱

山東長清人進士嘉靖二十六年由副都御史改任詳戶部尚書

朱廷立

湖廣通山人進士嘉靖二十六年由僉都御史陞任詳禮部右侍郎

李珏

直隸開州人弘治乙丑進士嘉靖二十八年任本年致仕

駱頤

四川富順人進士嘉靖二十八年任詳禮部侍郎

李香

江西分宜人嘉德辛巳進士嘉靖二十九年任以違限開仕

馬坤

直隸通州人進士嘉靖三十年任詳戶部尚書

郭鏊

山西高平人進士嘉靖三十年任詳工部左侍郎

盧勳

浙江縉雲人進士嘉靖三十一年出南京大理寺卿改任詳南京刑部尚書

沈良才

直隸秦州人進士嘉靖三十二年任詳兵部右侍郎

鄭大同

福建莆田人進士嘉靖三十三年任詳刑部右侍郎

張舜臣

山東章丘人進士嘉靖三十四年任詳南京戶部尚書

胡叔廉

江西新淦人嘉靖戊戌進士三十五年任三十六年養病

錢邦彥

直隸吳縣人進士嘉靖三十

六年任詳南京刑部尚書

馬森

福建懷安人進士嘉靖三十七年
由戶部右侍郎調任詳戶部尚書

劉學易

山東壽光人進士嘉靖三十
八年任詳工部右侍郎

葉鏗

江西上饒人進士嘉靖三十
九年任詳刑部左侍郎

邢尚簡

山東昌邑人嘉靖辛丑進
士四十年任本年丁憂

萬家

江西豐城人嘉靖甲辰進士
四十年任四十一年開任

遲鳳翔

山東臨朐人嘉靖甲辰進士
四十一年任詳兵部左侍郎

張守直

順天遵化人嘉靖甲辰進士四十二年任四十四
年陞戶部總儲右侍郎改工部詳工部左侍郎

劉望之

四川內江人嘉靖丙戌進士
四十四年推未任乞致仕

張瀚

浙江仁和人嘉靖乙未進士
四十五年任見兩廣總督

吳三樂

河南衛人嘉靖辛丑進士
四十五年任詳通政使

魏尚純

河南鈞州人嘉靖壬辰進士四十五年
任陞工部左侍郎詳南京工部尚書

吳百朋

浙江義烏人嘉靖丁未進士隆慶元年推未任仍陞
兵部右侍郎兼右僉都御史提督南贛汀漳軍務

盛汝謙

直隸桐城人嘉靖辛丑進士隆
慶元年任陞南京戶部右侍郎

楊豫孫

直隸華亭人嘉靖丁未進士
隆慶元年推未任卒於官

鄒應龍

陝西長安人嘉靖丙辰進士隆慶元年由太
常寺卿任二年陞左副都總理江南屯鹽

戴才

直隸滄州人嘉靖甲
辰進士隆慶二年任

趙錦

浙江餘姚人嘉靖甲
辰進士隆慶三年任

董傳策

直隸上海人嘉靖庚戌進
士隆慶四年任五年改南

張种

廣西馬平人嘉靖癸丑
進士隆慶五年推未任

何寬

浙江臨海人嘉靖庚戌進士隆慶五年任本年開任

陳一松

廣東海陽人嘉靖丁未進士隆慶六年任

李幼滋

湖廣應城人嘉靖丁未進士萬曆元年由太僕寺卿任

孫應鰲

貴州貴州衛人嘉靖癸丑進士萬曆年以僉都御史陞任累官南京刑部尚書

陶承學

浙江會稽人嘉靖丁未進士以南京大理卿改任累官南京禮部尚書

沈應時

河南河南衛人嘉靖庚戌進士以副都御史陞任累官南京工部尚書

劉一儒

湖廣夷陵州人嘉靖己未進士萬曆四年任本年丁憂八年補未任陞刑部右侍郎

嚴清

雲南後衛人嘉靖甲辰進士以南京大理寺卿改任累官吏部尚書

陸光祖

浙江平湖人嘉靖丁未進士以南京大理寺卿改任累官吏部尚書

王友賢

山西寧鄉人嘉靖己未進士萬曆六年由太常寺卿任八年陞工部右侍郎

張鹵

河南儀封人嘉靖己未進士萬曆八年由巡撫保定右副都改任九年調南京太常寺卿

何起鳴

四川內江人嘉靖己未進士萬曆九年由巡撫山東右副都改任尋陞工部右侍郎

張夢鯉

山東萊陽人嘉靖丙辰進士萬曆九年由巡撫甘肅右副都任十年回籍養病

辛自修

河南襄城人嘉靖丙辰進士萬曆十年由巡撫保定右僉都任十一年陞兵部右侍郎

劉志伊

浙江慈谿人嘉靖丙辰進士萬曆十一年由南大理寺卿任本年陞工部右侍郎

褚鈇

山西榆次人嘉靖乙丑進士萬曆十一年以左僉都御史任陞工部右侍郎

溫純

陝西三原人嘉靖乙丑進士萬曆十二年由太常卿任尋陞兵部右侍郎

曾同亨

江西吉水人嘉靖己未進士萬曆十二年由南太常卿任十三年陞工部右侍郎

吳時來

浙江仙居人嘉靖癸丑進士萬曆十一年以左通政任陞刑部右侍郎

何源

江西廣昌人嘉靖己未進士萬曆十三年任十四年陞南吏部右侍郎

孫丕揚

陝西富平人嘉靖丙辰進士萬曆十四年由應天府尹任十五年陞戶部右侍郎

孫

鏞

浙江餘姚人嘉靖丙辰進士萬曆十五年出光祿寺卿任十六年陞刑部右侍郎

蹇

達

四川重慶人嘉靖壬戌進士萬曆十六年由巡撫順天右僉都任十七年陞戶部右侍郎

周

宋

江西安福人嘉靖壬戌進士萬曆十七年由巡撫順天右僉都任十八年陞漕運兵部右侍郎兼僉都御史

大理寺卿行實

虞謙字伯益直隸鎮江府金壇縣人洪武二十八年乙亥由太學生擢刑部山東司郎中革除中陞杭州府知府永樂初召爲大理寺左少卿七年陞右副都御史本年轉左恒曰爲臣之道愛君愛民二者愛君崇其德愛民厚其生故所至以宣上德達下情爲已任嘗奉命巡視揚州淮徐旱災至則疏民疾苦請發廩給貸官爲贖還所賣男女爲奴婢者皆從之又奉命督兩浙蘇松諸郡運賦建議丁多而糧最少運北京丁多糧少次者運徐州丁糧俱中運南京淮安丁少而糧多存留本郡縣倉十五年坐事免十六年復職十九年定鼎北京改北奉命巡撫

浙江察廉糾貪建議便民十數事多見施行事竣還京二十二年甲辰九月 仁皇嗣位改行在大理寺卿先是都察院論誑騙罪准洪武榜文梟首謙言比奉 詔書自今准律斷罪駢驅在律當杖而流梟首非詔書意 上曰虞謙言是命照律斷又天津衛倉災焚數十萬糧御史廉視言主典者盜用故縱火以自蓋追逮幾八百人不勝拷掠皆誣服應死者百餘人謙察其寃白於 上得減論於兩法司及四方應上獄議皆親閱之必當必平於大辟罪尤加意曰彼無憾使我無憾矣時有 詔求直言上七事其一慎用人曰用得其人則治道興非其人則治道墮人主之職惟在擇人而已其二興學校曰教育之道本於

師範不在於備而在得人庶有成效三曰都察院耳目綱紀之職用以激濁揚清今專俾治獄非設風憲本意四曰廣儲蓄今國用空乏宜預爲備五曰北京八府之民困於養馬宜分給無馬郡縣牧養以蘇圻內六曰鈔法不通由於出多而入少但今多方收之而不輕出民艱於得鈔則自流通七曰京師盜賊之繁由於軍民工匠每十家編爲一甲使互相覺察出入一家有犯十家連坐有能捕首免其連坐之罪皆切中時弊未幾以奏事被論降少卿尋以楊士奇言仍復前職宣德元年卒年六十

三

楊時習字

江西南昌府豐城縣人永樂中以吏員授大理

寺評事歷官大理寺左寺丞二十二年 仁廟嗣位十二月大理卿虞謙奏事侍臣有言此常榻前密請旨不當於朝班對衆敷奏爲賈恩者又言其屬官楊時習先導之密陳而謙不從者遂降爲大理寺少卿而陞時習爲卿其後大學士楊士奇獨進奏事畢不退 上問士奇汝有欲言者否對曰有得非虞謙乎對曰然 上曰吾亦頗悔之汝試言之對曰外間皆云時習實無先導之言時習是臣江西人亦親語臣本無此言今冒居卿位慚愧不安士奇又言謙歷事 三朝皆居通顯頗爲得大臣體者且今所犯小過 上曰吾悔之亦念此因問時習其人若何對曰雖起於吏然明習法律公正廉潔 上喜曰吾有以處

之會吏部奏交趾缺按察使 上諭尚書蹇義曰左遷虞謙吾
過矣復謙大理寺卿改時習交趾憲使後卒於官

徐初字復暘浙江紹興府會稽縣人剛廉有節槩領永樂癸未
鄉薦授教諭久之以學薦擢戶科給事中二十二年陞兵科都
給事中宣德元年漢庶人高煦反 上親征翼贊有功賜臧獲
四人太師英國公張輔朝會失儀劾其跋扈無人臣禮請寘諸
法 上雖曲宥輔而心嘉其直五年擢大理寺卿慎法不刻嘗
與寺丞楊復論事不合被劾下獄太史奏大理星不見 上察
而直之爲復其官星乃見正統四年致仕歸又十年間 乘輿
北狩悲憤而卒

王文字千之初名強直隸保定府東鹿縣人永樂辛丑進士擢
監察御史歷都察院右副都御史巡撫寧夏正統五年入爲大
理寺卿爲人剛果不撓決斷如流七年夏大旱上命中貴興
安審成獄文片言折之衆皆輸服但情深氣隘不能秉國是扶
善類未幾陞右都御史詳內閣

蔡詢字



人正統七年任大理寺卿命鎮守湖

廣

俞士悅字仕朝直隸蘇州府長洲縣人永樂乙未進士權監察
御史歷河南右布政使正統七年召爲大理寺卿爲人儀表魁
岸面色如鐵在寺侃侃剛直讞獄能發奸摘伏不爲豪猾所欺

十四年己巳之變陞右都御史歷刑部尚書詳刑部

蔡錫宇廷子浙江寧波府鄞縣人永樂癸卯舉人入國子監

仁宗朝認擇國子生有學行者吳信等六十人命翰林院嚴試之

拔其尤者二十人充近侍官錫與焉選授兵科給事中彈劾不

避權貴陞知泉州府廉慎勤敏孜孜爲民樹長畫剷剔宿弊興

學校均徭役奏除洛陽東山大橋三鎮戍兵公私便之尤善摘

伏境無盜竊時洛陽橋圯發故石有刻文云石頭腐爛蔡公再

來橋故宋太守蔡襄所建而錫適以守至遂捐俸重修民德之

立祠其旁配享端明陞山東副使奉勅叅贊宣府總兵軍務

以功陞順天府府丞正統九年服闋改應天府十四年秋滿陞

大理寺卿皆有異政奉勅巡撫湖廣大饑設法賑濟賴全活者數萬家肖像尸祝之尋乞骸骨歸蕭然圖書不持一物囊無買山之貲至餽粥不具逍遙吟諷晏如也有買山稿傳於世

蕭維禎原名兆江西吉安府廬陵縣人宣德庚戌進士授刑部主事歷郎中正統九年陞大理寺左寺丞十四年扈聖駕北

征陞大理寺左少卿及土木之變英廟北狩維禎於亂軍中

獲免還朝陞大理寺卿維禎久任法官老於斷案而心術陰

險善炫風跡獵聲稱景泰三年陞左都御史累官南京兵部尚

書詳南京兵部

孔文英字世傑陝西慶陽府安化縣人永樂辛丑進士授廬陵

知縣擢監察御史歷湖廣按察使景泰元年遙陞大理寺卿奉勅鎮守紫荆關及督沿邊軍務六年陞刑部左侍郎詳刑部

薛瑄字德溫山西平陽府河津縣人永樂辛丑進士擢雲南道監察御史歷山東督學僉事正統六年大學士楊士奇薦召爲大理寺右少卿明日轉左少卿瑄作大理箴以自警時中官王振權傾一時或欲邀瑄拜其門瑄正色曰安有受爵公朝拜官私門耶已而遇諸途衆行跪禮瑄不屈振由是不悅會有獄夫實病死三年其妾私與人通欲出嫁妻弗聽從誣妻魘魅夫死瑄爲辯其寃都御史王文諂事振乃誣瑄出入人罪譖之於振振怒嗾言官劾之詔繫獄當死人皆危之瑄怡然曰辯寃獲

咎死何愧焉手持周易誦讀不輟至覆奏將決兵部侍郎王偉
申救得免官放歸田里瑄居家六年不出閉門留心理學造詣
益深正統己巳以吏科給事中程信論薦起爲大理寺左寺丞
時虜騎薄都城瑄分守北門都帥初疑其迂及接言論遂訪策
焉瑄曰以天時人事驗之北虜必宵遁旣而果然貴州苗寇猖
獗朝廷命將往征之瑄督軍餉事竣而還景泰初懇乞致仕
學士江淵上疏留之明年陞南京大理寺卿有富豪殘虐人命
者獄久不決執法者欲貸之瑄曰死者何辜竟抵於法明斷之
學播於民謠刑部尚書楊寧都御史張純初以才力相尚及與
瑄同事嘆曰如薛公當於古人中求之中官金英奉使出道南

京公卿俱餞於江上瑄獨不往英至京言於衆曰南京好官惟薛卿耳壬申秋召至復爲大理寺卿有草場火 朝廷欲置典守者罪瑄力辯之獲免蘇松有饑民乞粟富家吝而不與遂火其屋蹈海以避罪時遣太子太保王文往訊之文以謀叛連坐五百餘家衆皆畏勢莫敢發瑄抗章辨之文亦悟其罪獲免者甚衆是歲瑄年近七十復乞致仕不允天順改元 英廟復位素知瑄學行遷禮部右侍郎兼翰林學士召入內閣詳內閣李賓字廷用順天府順義縣人正統乙丑進士擢浙江道御史歷都察院右副都御史提督軍務巡撫保定天順元年改大理寺卿時 詔書布曠蕩之恩奸盜輕於犯法掏竊滋蔓良善不

得安生各該衙門相沿將竊盜罪囚有犯一次二次曾經刺字者俱遇赦宥俱免通論以革後所犯論爲初犯免刺發審具題竊盜律內節開竊盜初犯於右小臂膊上刺竊盜二字再犯刺左小臂膊上三犯者絞以曾經刺字爲主掏摸罪同若軍人爲盜雖免刺字三犯一體處絞今法司問犯人楊小廝等犯竊盜除革前俱不坐以革後爲初犯恐非律之正文未見曾否奏准以此論斷有未允當幸遇 聖朝法律惟謹臣等職係叅駁不敢輕易循襲又况律爲萬世常規赦係一時恩例又今盜賊多係平昔不務生理之人專一糾合爲盜及至事發問擬做工往往隨卽在逃仍又爲盜習以爲常略無忌憚見問者未結而犯

之者卽至以致賊盜繁興良善受害若欲弭盜以安民必須依律而坐罪今後法司所問竊盜合無照依正統年間刑部等衙門會議奏奉 欽依內事理通以革前革後准三犯論仍將所犯革前革後明白開奏定奪永爲遵守又因刑部擬罪太刻具奏用法莫貴於寬平發落莫患於不一用法寬平則人易信服而法亦可恒法不一則難以奉行而民亦無所措手足矣如犯人聶斌等包攬磨茹糧米誑騙腳錢價銀同爲虛費京儲均坑陷納戶其刑部問斷各犯一則正犯枷號一月處以重刑當房人口仍發邊遠充軍一則止連當房家小發邊衛充軍似此發落誠爲不一何況此等包攬之人併前項例所開僞印批填勘

合者皆愚昧無知一時貪圖小利冒犯刑憲別非元惡大愆之
比今包攬糧草之人照依都察院欽奉 聖旨榜例連當房家
小發邊衛充軍及僞印批填勘合之人自有僞造印信本律眞
犯斬罪若此論斷已非輕矣而工部所奏榜例却又要將正犯
枷號一月處以重刑當房人口仍發充軍雖元惡大愆亦不過
此稽之經傳有曰罪人不孥罰弗及嗣兼且律令家人共犯有
止坐尊長之條婦人犯罪有獨坐夫男之例臣等每見 皇上
斷一應罪犯處死者或情可矜疑 欽蒙宥死發邊遠充軍止
令家小隨住况包攬物件律不該死今法司問擬正犯枷號一
月處以重刑當房人口發邊衛充軍則是不分男女長幼不擇

祖父子孫皆在遣行名連僉解械繫窘辱無所不至似此比擬
問斷非所謂法之平也如蒙准題見今法司監問包攬戶部糧
草及各衙門物料等項之人合無除已納完止照常例發落及
偽印填批勘合犯該真犯罪死者自依本律問結外若是一應
包攬糧草物料等項果係誑騙銀物入已坑陷納戶虛費京儲
者亦免其枷號止照都察院欽奉 聖旨榜例連當房家小發
邊衛充軍如此不惟事例歸一刑法寬平見 聖德好生之法
不盡於愚民矣三年丁憂五年再任尋陞右都御史詳都察院
王宇字仲宏河南開封府祥符縣人童稚時從師受業日記萬
言巡撫重臣一見而奇之曰此大器也卽遣爲庠生奮志進

學雖隆冬盛暑不輟正統戊午遂魁鄉解明年登進士第授南
京戶部主事管理糧儲痛革宿弊廉能之聲大振都憲周銓時
總其事夔視其屬於宇獨敬愛之在郎署中特立獨行不隨流
俗時郎佐職滿例轉正郎吏部以其才能顯著遂舉陞江西撫
州知府是郡地險民夥素號難治至則日簡靜御之六事畢舉
里有隱士吳與弼不妄至城府往造其廬與弼聞之卽先謁拜
談論竟日出嘆曰真明府也宇益勞心民事凡漁利害民宿弊
盡革罷之吏有奸黠盜府金自若廉得其狀置之於法衆皆畏
服撫民多商給繻之錢歲計累萬守皆自取以爲當然宇曰可
以無取而取之是傷廉也悉屬於官郡治有穴地前守引水蓄

魚以自給遂實之爲倉儲粟數萬石以濟饑民郡人題其壁曰
關節一毫無地入公廉兩字有天知遠邇傳誦宜黃多山有虎
爲患爲告神而驅之虎皆遁去金谿有衆聚暴掠者字曰此吾
良民迫於饑餒故耳卽開倉濟之衆皆感泣曰真吾父母也卽
時散去藩臬書其績曰剗煩治劇才識有餘清白操守纖毫無
玷都憲巡撫者上治行於朝特賜誥命以旌異之天順改元

英宗復位重方岳之選屬廷臣會舉堪任者字與前列遂擢陞

山東右布政使時廷議山東累歲不登民皆流移餓殍必屬
能者撫安之上輿言以託之字感激盡心設法賑濟不憚勞

馳民賴全活者數十萬人明年上念宣府邊方重地宜復

撫大學士李賢薦爲左副都御史往任其事至則洗刷積弊力振戎務一切便宜處之革弊除奸士卒感慕而權貴多不悅之賴上知其爲人諧毀不行未幾大同缺巡撫復屬兼之時石亨與其姪彪皆驟遷高爵恃寵自肆而大同乃舊鎮之地索取尤橫衆莫敢撓獨上書劾之以爲大蠹大奸莫甚於此乞置於法以消未形之患詞氣剴切聞者嘆服已而亨彪果以奸敗朝廷益嘉其忠直庚辰丁內艱還家一星未終上起至京將有南臺之命適念大理缺卿遂拜是職累章乞終制弗許在任惟以洗冤澤物爲先精研獄狀務得其情凡平反甚衆七年癸未以疾終

王槩字同節江西廬陵縣人正統壬戌進士授刑部山西司主事歷員外郎進雲南司郎中研習律法根極比例凡同事異情者皆精辯不差毫釐故一時稱爲明法司尚書金公濂俞公士悅多倚重之事于豪勢及幽隱難質者了決無宿案景泰二年以聲望陞湖廣右叅政未幾調河南六年陞按察使令行禁止風清弊絕又聽獄明允民稱不冤天順初被誣逮繫詔獄會

襄王入朝 英宗以官吏賢否問首稱槩以對卽日宥還尋陞都察院右副都御史巡撫陝西地方值歲太屈老弱流移檄所司一設法鳩集停逋負定賦額民恃以無恐七年徵爲大理寺卿廷尉天下平先是刑部都察院獄囚要結多比同成徒爲文具不

通傳及明系 卷之十一 一
四八八
聞駁繳至則測情比律指摘其過誤疵謬不少假借以故諸法吏相率爲明愼而民不聞以枉死者其所爲斷案繳駁諸法吏亦轉相抄寫成編至今傳以爲式歷刑部尚書詳刑部

田景暘字

直隸保定府高陽縣人景泰甲戌進士擢山東

一道監察御史天順八年陞大理寺左寺丞成化三年陞大理寺右少卿五年轉左九年陞本寺卿十一年致仕

宋旻字弘澤浙江嚴州府淳安縣人景泰辛未進士授大理寺左評事歷寺正天順八年陞本寺右寺丞成化五年陞右少卿九年轉左十一年陞大理寺卿旻在寺三十餘年由寺屬至掌印爲人厚重謙抑以仁恕稱二十年陞右都御史督撫兩廣地

方詳兩廣總督

彭韶字鳳儀福建興化府莆田縣人天順丁丑進士授刑部主事轉廣東司員外郎進郎中陞四川按察副使遷本司按察使廣東左布政使所至聲稱燁然累官應天右副都御史成化二十一年召改大理寺卿未至坐論鎮守改撫願天累官刑部尚書詳刑部

杜銘字敬修四川成都府金堂縣人正統乙丑進士累官刑部右侍郎歷工部刑部左侍郎成化二十一年陞工部尚書掌大理寺事二十三年陞刑部尚書詳刑部

馮貫字大用直隸保定府蠡縣人天順甲申進士授監察御史

常出巡邊關按州縣搜吏弊索民隱貪廉才頑多見褻黜成化
中上疏言時事數事 上嘉納之及掌三法司事治山西妖民
及劾兵部大臣不法事聞者肅然九年進大理寺右寺丞轉左
寺丞十五年進少卿二十一年遂擢都察院右副都御史二十
三年改大理寺卿法律詳明而持心仁恕嘗曰大理平天下獄
獄之不平咎在誰執故當奏讞必反覆訊鞫無憾而後已每廷
議叅酌得宜其言多載在條例有司至今遵行之嘗應 詔舉
所知衆稱得人弘治六年拜南京工部尚書餘詳南京工部
王濬字景明直隸松江府上海縣人天順三年登鄉貢明年再
登進士第初授南京刑部浙江司主事遷山西司員外郎再遷

江西司郎中持法嚴明尚書太原周瓊特重之有疑獄久未決
會秋審錄力辯之釋其死爭頂香拜道左祝謝久之擢黃州知
府民俗奸頑健訟號難治霽素熟於律法訟至輒辯民不敢欺
一時善政甚多境內嘗有虎患祝於神患頓息江岸善崩民廬
日毀忽大水後沙洲壅障爭爲善政所致立石頌之秩滿擢廣
西右叅政未幾陞江西按察使皆稱其任弘治元年吏部尚書
三原王公恕知其名特奏召爲太僕寺卿歲餘馬政益修嘗條
便宜數事至於今行之二年遷都察院右僉都御史巡撫山東
適歲大侵民之死徙者不可勝計乃行救荒之政焦勞區畫得
銀五萬兩米二百萬選賢能吏驗口給之病者作糜以食人多

賴以全活已而流移者亦漸歸東方無事八年召爲大理寺卿
治獄益務仁厚經審讞者多不稱寃人稱長者未考滿九年以
憂去遂卒居官無過治家有法待人謙恭顏色煦煦自寮屬以
至鄉黨後進下及輿隸輩皆得其懽心故人稱爲長者大學士
徐溥銘其墓

王軾字用敬湖廣荊州府公安縣人天順甲申進士授大理寺
評事成化五年陞寺副七年陞寺正年久明習律法讞駁平允
十三年陞四川按察司副使歷右副都御史巡撫貴州弘治九
年改大理寺卿性溫良操法多從寬恤四方訟獄凡經所讞多
當其罪公移案牘法家至相傳錄以爲式 孝宗慎刑獄命同

刑部尚書白昂裁定問刑條例至今行之十三年陞南京戶部尚書歷南京兵部叅贊機務詳南京兵部

楊守隨字維禎浙江寧波府鄞縣人生十歲棲芸先生授以四書史略諸書則能通大義十五從伯兄文懿公守陳受易學成化乙酉領鄉薦丙戌登進士第丁亥授江西道監察御史自治甚嚴時羣僚有爲權貴人相邀者獨不往後其人犯法衆避不敢鞫守隨按問如律衆皆服其先識己丑奉命巡視河道時亢暘水涸躬巡諸閘時其啓閉漕運大通有近宦黃賜縱其家奴兜攬白糧逼索驛遞者悉繩之以法於時河路肅靜庚寅疏上明謚法重大臣容諫官守法律備儲蓄禁奸詐息餽餉等七

事 上甚善之辛卯陝西失機總兵官黃緣脫罪而獨坐鎮巡
官上疏以爲法度貴乎盡一刑賞不宜異同請併論以法四月
奉 勅查盤大同等處倉庫守隨素精數學至則親執簿書推
筭毫髮必盡委積官吏有望風解印綬去者人皆服其精明都
察院舉總理三法司事凡所論列叅駁悉當於理壬辰疏上練
兵將疏城壕鎮邊邑恤民困舉將才防患侮正邦憲明賞罰理
軍伍等九事皆切中時弊癸巳張真人以罪謫戍邊方食緣權
貴乞 恩終養率衆力言張不守祖風擅作威福設立牙爪私
置牢獄謀故殺張思敬等四十餘人殺死魯永全等一家三人
僭用硃紅簷棍增減 制書強奪良家子女欺詐平民財物

皇法所必誅而不以聽者也時論偉之又見天下諸司文卷不明請每三年一次差官照刷至今爲例有因凶荒奏令吏典納銀冠帶選用者乃執奏以爲作法於涼其弊猶貪示人以義其患猶利賣官鬻爵非時善政請以漕運米數萬斛賑濟 上深納之甲午巡按江西清滯獄減折納革冗費禁和賣詰奸貪表能賢善政不可枚舉是年監臨鄉試初試院席舍皆以竹席爲之事畢輒壞令易以板經久而費省又能查革奸弊考校精詳是科得人爲盛清江縣民徐姓者以侵欺變產有同邑聶姓者圖其山爲墳縣吏假立賣契竄卷中二姓告爭不能決守隨以非親筆契卒歸其山於徐臨川縣有婦人告其子被人毆死者檢

驗無傷婦以子生時不跛今足骨長短粗細不倫被人易屍執不服隨曰此必生時足癱或胎疾所致也詢之父老果然證之始服其推事明斷類如此乙未勅協同兵部侍郎原傑操練兵馬撫江西地方八月聞父喪守制戊戌四月起服改福建道己亥贓吏李孜省守隨按江西時問發充軍至是逃來京師以妖術得幸授太常寺丞乃劾奏孜省以贓得罪不宜典郊廟百神之祀因改爲上林苑監正時都御史王襄敏公越掌院事舉堪大任吏部擬南京大理寺少卿再擬大理寺丞皆不偶孜省阻之也十月疏時政五事多采納庚子陞應天府丞丁內艱癸卯起復仍授前官舊例留都外羅城壞工部與應天寧國等府

分修後應天府獨當其事守隨曰役使不均民病日滋矣乃請諸撫按分任其工 內府松枝國子監膳夫鄉試供給支俱奏行各府均派又奏革各衙門索取兩縣隸役工食者乃應天民力稍舒丁未朝 覲如京時攷省以禮部侍郎掌通政司事益近倖得密察百官遂以宿怨中傷之忽一日傳 旨調外任授南寧知府弘治改元戊申二月陞應天府尹以攷省被誅言路者始舉之也二年己酉復調謫廣西叅政先是承戶部奏委查勘守備太監蔣琮陳祖生故違禁例以開弊端事執法不循乃反坐之甲寅陞廣西按察使乙卯擢南京都察院右僉都御史提督巡江兼操江條陳奏修戰船等事丙辰擢南京大理寺卿

參駁詳明一時獄訟稱平焉庚申改大理寺卿充經筵官讞獄
詳明部院推服癸亥六年考滿晉級資治尹進階正議大夫

甲子以七十引年 溫旨慰留因疏刑名十事皆著爲令乙丑

上欽恤刑獄凡三宣至便殿語刑獄事每就事開陳 上無不忻

納五月 武宗登極十二月九載考滿陞工部尚書仍掌大理

寺事屢疏懇辭不允時御史石玠等奏保任都御史以掌風紀

不報正德改元 上躬耕籍田 簡命任推返之職進階資善

大夫 上命中官李榮視審錄時近侍張瑜及太醫院官四員

俱以誤用 御藥繫獄李承內意謂可矜疑守隨泣曰 先帝

梓宮在殯臣子憂憤方殷君父之事誤與故同例以春秋許世

子之律豈宜輕貸李亦默然泣下衆皆畏伏而內侍實銜之初
中官李興督造 孝宗陵寢侵收柴銀盜伐 皇陵松木事下
法司興恃寵不服援新寧伯譚佑工部侍郎李鏐同罪乃叱之
曰柴銀是汝侵欺 陵木是汝盜伐佑鏐二人止坐不行救正
之罪耳惡得比而同之興語塞遂按其辟而內宦益怨矣時逆
閹劉瑾鼓惑盜權號爲八虎科道率以言得罪偕大司徒韓公
文都御史張公敷華會部院百僚抗疏扣 闕請誅瑾輩甚力
瑾迎 上泣訴事竟不諧遂於是歲除夕司禮監傳 旨守隨
及韓張諸公皆致仕二年丁卯正朔趨謝詒朝 陛辭舊例大
臣致仕皆面覲辭謝賜宴而退且有夫米之賜一切俱靳比退

朝輿隸皆畏瑾禍四逸徒步長安街有吏胥數人肩輿擁歸第明日遂行次於張家灣瑾潛令軍校隨之欲中以奇禍乃僦車就道一不煩於官府始免於害瑾乃矯詔指守隨與大學士劉健謝遷尚書韓文林瀚張敷華及科道等官凡五十三人目爲朋黨頒示天下三年戊辰自致仕家居則杜門不出而瑾怨未解乃文致舊事罰米二千石宣府上納且逮及從弟故冢宰守陟亦落職爲卿亞方伯維德暨兄子司寇志仁皆罷歸庚午瑾復矯詔削官爵追奪出身以來誥封再罰米二百石先後被罰鬻田宅脫簪珥以償九月逆瑾伏誅科道交章薦其名重望隆才識優倬守正秉直堪以起用不報以餘黨尚在也始復

原職致仕給還所奪 誥勅十四年以疾終年八十五易贊之
時顧謂二子顯允曰吾位列正卿壽踰八十曩葉平生今將斃
於正矣第以受國厚恩無補萬分一此沒世之憾也敬戒我後
人宜圖補報問以家事則搖首不言須臾有風自牖如霧卽端
坐瞑目而逝

張鸞字應祥陝西西安府咸寧縣人成化辛丑進士授大名知
縣歷監察御史浙江巡海副使弘治十二年陞大理寺右少卿
十六年陞都察院右僉都御史尋進右副都御史正德元年改
大理寺卿時逆瑾擅柄矯誣善類桎梏臣工刑獄多濫鸞不能
執持駁讞拱手俟命三年遷刑部左侍郎詳刑部

張泰字世亨直隸河間府肅寧縣人成化戊戌進士授鄒平知縣歷監察御史至都察院右副都御史巡撫陝西地方正德三年改大理寺卿時逆瑾竊柄泰以機術善承之不爲忤亦知自全不入其黨於讞獄不招物議故瑾敗不及禍五年遷刑部左侍郎歷三邊右都御史詳總督三邊

張綸字大經直隸寧國府宣城縣人由富峪衛軍籍中順天鄉試登成化甲辰進士授鹽山縣知縣歷監察御史至都察院右僉都御史正德五年陞大理寺卿逆瑾舊嘗識之及奏讞多忤瑾意時時與辯逢瑾怒不爲少動致仕都御史強珍家爲仇所訐三子論斬坐沒入江南民吳某沿俗競渡偵事者誣以爲私

造龍舟亦坐沒皆賴力辯得末減 興襄二府訟田不決者二
十年命往處帖然歸奏稱 旨有牢醪寶褚之賜歲辛未中貴
錄囚欲脫豪右族殺人者罪持不可擬竟如初高陽民王豸爲
奸僧所罔刺臂肉爲龍形捕獲者欲坐叛侈功綸評罪謂法止
梟首用是不合調工部右侍郎累官都察院右都御史詳都察
院

燕忠字良臣順天府薊州人成化甲辰進士丙午授常州府推
官歸守內艱服除改寧國府兩郡故多豪右莫敢窺其庭戶凡
所讞獄多平反民某賈於江淮間其僕偶有過被笞怨家嗾之
遂與僕殺其主於采石因盜其貨懇於官罪人久不得忠廉得

其情捕而鞫遂伏辜郡大旱承檄發官廩賑恤多所全活弘治
七年甲寅被徵爲福建監察御史歸守外艱戊午服除改浙江
道以災異陳親賢納諫重名器節財用嚴賞賚諸事言甚剴切
孝廟嘉納之庚申出按陝西力舉憲度風聲凜凜雖方岳重臣未
假以辭色周歷郡縣不憚險遠賊吏望風多解印綬去執政者
一有所親厚被摧折乃病其苛察壬辰遷陝西按察副使整飭環
慶兵備至則留心戎務日訓練防禦不少懈正德元年丙寅吏
部推薦爲陝西苑馬寺卿至又留心牧政馬用蕃息戊辰擢陝
西按察使發奸擿伏如巡按時禁和買之弊裁省里甲支費三
之一民有冰玉之謠庚午進左布政使以簡靜爲治往事公罰

聚歛以給用使因自封殖至是一切禁絕瑾賊方柄國附者瀾
倒陝固鄉土尤所屬意忠獨無饋遺干謁瑾雖銜之卒莫能害
也寧夏變作經畫兵餉食足而民不勞辛未擢都察院右副都
御史巡撫宣府軍政一新是年冬改大理寺卿執三尺惟謹不
肯少有推移貴近有所請托必正色拒之知州田崑爲人所訟
上怒其不敬將寘重典忠屢疏雪其誣竟得釋有胡某者烝父妾
因毒殺父行厚賂祈脫免所司緩其獄忠曰罪孰大於此牒至
輒駁之屢牒駁會奉 命江西而止江西藩臬官交惡相奏訐
致興大獄久不決忠受 勅往獄成無異言屬歲饑民重困再
受 勅賑濟驗丁口給粟民賴以不死初吏部擬薦忠爲吏侍

及兵侍皆不報或讒使少貶以求進忠曰大臣進退當以正求
而得之人將謂何竟不及再命而卒性狷介峭直居常寡言
笑不輕交際人望而畏之有包越之風焉自奉儉約在仕途三
十年祿入僅供朝夕田園邸舍無所增卒之日囊無餘蓄訃聞
吏部奏忠剛正得大臣體法應贈典報可贈刑部尚書壽五十
七

陳珂字希白浙江錢塘人弘治庚戌登進士第念母年高乞

恩歸省五月母歿居廬三年癸丑除授刑部四川司主事無何奉
勅錄囚南畿謂刑故無小過宥無大刑官雖富多所平反而亦不
可姑息爲徇御史樊祉知府程讓放出重囚劾之皆得譴還

朝陞本部雲南司員外郎。榮王啓封國於湖南大學士李文正公總核時弊推陞工部管繕司郎中董其役辛酉轉刑部郎中河間客邇京師繁劇難治大司馬白康敏公舉出守珂至去苛削之人斥乾沒之吏先是山水衝決民蕩析離居思所以還定之攢木畚土甃石爲堤六十餘里永安故民復業四萬餘口時文值亢旱徒跣禱於山川雨如注冬無雪傷麥復禱輒應麥有秋獻縣民李時訴盜殺其叔李文子林劉信妻亦訴盜殺其夫珂牒於城隍是夜夢雌狐卧於繡幃中起奉首指程程欲言珂寤翌日召林妻宿錦鞫之得其情捕盜劉永王翰及李政劉氏俱坐謀故死吳鑑坐強盜死闔郡稱爲神明巡按御史李璽奏

聞於朝銓部亦以課常最擢福建左叅政遷按察使時內使陶錦
怙勢張皇珂正色危言無所諱陶亦自戢不敢恣睢逆瑾用事
遣御史捕鹽徒盜賊民賴以安陞右布政使武平大帽山鯨賊
猾驚乃便宜發帑中錢具糗糧芻茭給官軍賊就駢戮六年轉
左布政使設賑貸之法定繇役之條寬船商椒粟之征建通濟
橋七十餘洞民咸利之愛若父母八年陞都察院右副都御史
巡撫河南去後常見思乃爲建生祠尸祝之又借寇故事立四
借亭於通衢以比甘棠其巡撫河南適流賊之餘邑里無儲峙
賊黨孫郁等尚爲民梗首命兵勦平之仍命有司收瘞餘骸勒
石表男女死節者又申冤獄知縣袁鎡指揮葉章等五十餘員

俱附奏 請得麗末減新野縣當荆襄之衝內官私置抽分廠
漁獵民乃徼守巡官毀之罪其導爲者民復懋遷化居汴泗東
南河嘗決歲徵修河夫寬剩錢乃議河出火敦腦兒決復時不
常可緩歲所徵以與民民力稍紓正德九年春二月汚池縣河
清二百餘里具疏以聞因言宜迪德祗承休命十年入爲大理
寺卿保定民吳澤詐稱觀音現夢佑澤後當大貴其弟海復傳
播以誑巧民倖臣朱寧詞得之差官校擒澤等二百餘人以謀
反聞刑部送澤等至大理寺覆審珂駁議止坐澤造妖言海傳
用律斬餘從寬貸具列上 帝竟俞議十一年以年艾足疾求
致仕疏凡七上乃得請仍 賜馳驛回比歸謝絕世事居常以

詩文自娛嘉靖改元 詔進階二品珂敷歷中外三紀章疏無慮數十餘大約皆經世大猷發先賢遺意其陳應議六事曰均田賦以平穀祿曰便折納以蘇民困曰省征歛以厚民生曰清稅糧以寬逋負曰致刑辟以章憲法曰謹作養以重世廕其陳贊畫安邊大計三曰制服曰教勝曰器勝頗見施行其論河南平原易野戰以車爲主宜倣古魚麗扁箱之法番長於馬漢長於弩宜各任其所長時未及用識者韙之卒年七十有六所著有武經發揮孫子斷註行於世又東瀛集九溪吟藁奏議若干卷藏於家

陳恪字克謹浙江湖州府歸安人成化癸卯中浙江鄉試丁未

登進士授直隸宿松縣知縣弘治丁巳取風憲理刑廣東道實授陝西道御史抽分廣積印馬廬鳳等處出按貴州入按順天等府正德丙寅陞江西按察司副使整飭南贛等處兵備遭劉瑾罷歸辛未起復貴州按察司副使提督威清十衛程番五府兵備癸酉以薦陞貴州按察使甲戌冬陞山東右布政使尋遷河南改江西俱左布政使時方朝覲吏部奏旌天下官恪爲首乙亥陞右副都御史巡撫南贛及閩廣附嶺諸郡十一年丙子擢大理寺卿戊寅卒於官年僅五十有七性篤實和易而中有確守居官不矯爲名務盡其職筮仕宿松施政如老成辟荒蕪得田四百九十三頃召民墾之得粟二千七百餘石餘悉佃

於民以償虛賦卹逃亡返其田宅禁其侵凌歸籍者五百餘戶
清湖池出諸豪右以歸貧民者一百三十所以凶歉不可無備
蓋廩積三萬二千有奇以旱潦不可無備修塘堰千五百區其
愛民興事類此故撫巡相繼論薦既入內臺察憲度以慎激揚
故巡八桂而遠人安入畿甸而權貴戢其爲兵備奮武威詰奸
宄故贛之長河諸賊聞風而遯而貴州之績尤著若乖西之叛
則戡之而渠魁殄鹽倉之亂則綏之而羣醜寧於是巡撫 奏
留久任徐御史文華至謂水清玉潔鑑瑩衡平用人之長不累
先事之防累驗欲晉都憲以任巡撫長憲之擢人猶以爲未厭
六在江右振大綱清庶務號稱得體時逆濠肆虐鈐制方面恪

一中有定見不可搖奪凡議夫價賀禮類多忤其意濠怒甚面叱數四且繫其吏恪處之裕如巡撫復劾薦之若嶺徼則察貪廉正功罪嚴詰捕開自新故其政不勞而行而通梗者自革入正大理益勵勤以圖報稱明律例慎允駁人不得干以私屬仲夏例有命以疏獄囚恒晨入以需遂感寒疾薦言諱諱皆公家事不及其私素持清白歷官三十年既沒無所遺僚友助爲之殯鬻其居治裝以行公餘燕坐輒披誦不休焉詠史詩百三十篇以寓風刺其他所爲文尤多率關倫理若正統論尤雅正可傳

趙鑑字克正山東青州府壽光人成化丁未進士授知蕭山縣

在縣廉愛有惠政擢監察御史歷視馬政鹽法奉命巡宣大
出知安慶府旋改順德府瑾誅乃擢浙江叅政陝西右布政使
進右副都御史巡撫甘肅改視南京院事復命理閩浙鹽法入
視院事正德十三年轉大理寺卿鑑於法比素精覈而宅心平
恕陞南京刑部尚書詳刑部

鄭岳字汝華福建興化府莆田縣人弘治癸丑進士任戶部主
事以事下獄侍郎許進爲疏雪得微譴歷江西按察使正德八
年任江西左布政使九年坐事爲民時逆濠橫恣虐害軍民岳
先爲按察使每事執法沮之遂致恨濠以提學副使李夢陽有
文名慕之因交權旣而夢陽與巡按御史江萬實相訐奏行都

御史陳金委三司掌印官會勘岳言與夢陽不合夢陽通宸濠濠遂執岳門子拷掠逼供無名賊私數多奏差大理寺卿燕忠勘問岳因爲民夢陽亦以借威逞私附勢誣善士論不齒閑住十六年九月起都察院右副都御史巡撫江西嘉靖元年陞大理寺卿三年岳以上數不豫上言請遵 聖祖寡慾勤政之訓宮寢限制進御有時清心省事自然有益退朝卽御文華殿裁決章奏日暮進宮養壽命之源端在於此疏入報聞奉 勅同錦衣衛都指揮使王佐勘甘肅兵變具奏總兵李隆謀殺巡撫許銘情真請治罪從之三年陞兵部右侍郎詳兵部侍郎湯沐字新之直隸常州府江陰人弘治丙辰登進士第選爲崇

德令爲政威惠信著吏急民寬褒延庠校風移化行比其去民
思之爲立生祠十五年以政績召爲山東道監察御史舉彈無
所避正德三年陞湖廣按察司僉事值逆瑾擅政怒不已附復
斥爲武義令庚午瑾敗起爲廣東僉事督理鹽課前剔扶摩宿
弊澄革七年壬申遷福建副使當朝覲故相楊公一清柄銓衡
舉天下方面治績超最才可大用者數人疏請表異湯名在列
甲戌陞江西按察使十年轉浙江右布政十二年陞廣東左布
政使十六年辛巳拜都察院右副都御史巡撫貴州嘉靖元年
沐上議三事一預制土官言今土官舍私相傳授支系不明爭
奪由起宜如軍職貼黃例歲終令土官各上其世系履歷及有

嗣子狀於布政司三歲當入覲則預上其籍於部其起送襲替及爭襲奏擾者按籍立辨可以消爭奪之釁一作養世祿欲令土官應襲年三十以下者得入學習禮不由儒學者不得起送承襲其族屬弟子願入學者聽補廩科貢與軍民武生一體則可以大變其俗一清查軍伍請以五年爲率通計天下衛所軍士舊在新勾以科逼在逃者指揮以下各以多寡議罰都司叅問其清軍御史不但清勾軍丁亦當兼理缺乏軍伍軍令所在有司各開報解發收伍名籍於都布按三司三司呈送清軍及巡按御史彼此叅證諸弊可盡革兵部覆奏沐議皆可行上從之二年癸未改巡撫四川芒部寇亂治軍行師謀慮精審地方

底平 璽書勞美賜白金彩幣甲申召爲大理寺卿竭節議處
法令爭棘不撓六年夏晉有疑獄 天子下三法司集議不稱
旨沐等皆免官久之 上意明漸次召復以疾卒於家壽七十三
劉麟字元瑞江西安仁縣人弘治丙辰進士除刑部主事進員
外郎轉郎中歷陝西叅政雲南按察使嘉靖元年起爲太僕寺
卿二年晉巡撫保定右副都御史養病六年起任七年陞刑部
左侍郎歷工部尚書

陳璋字宗獻浙江温州府樂清縣人弘治乙丑進士嘉靖七年
由本寺左少卿陞任獄囚平反甚衆時錦衣捕盜送法司定罪
中有十二人實平民也璋曰咎一人不當人尚議之况置十二

人死地卒駁回得開釋八年致仕後起刑部左侍郎詳刑部

葛浩字

浙江紹興府上虞縣人弘治丙辰進士授

縣行取擢

道監察御史正德初年以逆瑾免五年瑾敗後

起

知府嘉靖元年陞廣東右叅政

年陞

左叅政

年陞

按察使五年陞廣東右布政使六年陞

左布政

使本年陞南京太僕寺卿七年陞南京大理寺卿八年改大理

寺卿十年以災異自陳致仕

周期雍字

江西南昌府寧州人正德戊辰進士

嘉靖十年由巡撫順天右僉都御史陞任十一年丁憂

去任十四年起復再任十五年陞刑部右侍郎十七年轉左十

國朝及明系
卷之九十一
三十一
四十四
八年陞右都御史本年陞刑部尚書十九年致仕詳刑部尚書
史道字克弘順天府涿州人正德丁丑進士嘉靖七年陞光祿
寺少卿九年陞大理寺左少卿十年陞都察院右僉都御史十
一年陞任十二年降山東右叅議後起巡撫大同累官兵部尚
書詳兵部

陳軾字

湖廣德安府應城縣人弘治乙丑進士

嘉靖十二年由巡撫應天右副都御史改任十三年遷

戶部右侍郎十四年致仕詳戶部

周叙字子厚湖廣九溪衛官籍正德辛未進士授大理寺評事
陞左寺正十四年諫南巡降永嘉縣丞十六年陞韶州知府嘉

靖十年由陝西左布政使陞右副都御史任十二年改南院右副都御史提督江防十三年召爲大理寺卿十四年遷戶部右侍郎歷兵部左侍郎工部尚書詳工部

王繼字

直隸大名府開州人弘治乙丑進士授戶部山東

司主事歷江西員外郎陝西司郎中正德

年陞衛輝知府

年陞湖廣副使丁憂

年起復補河南

年復改湖

廣

年陞山西叅政

年陞山西行太僕寺卿以疾辭歸七年

陞四川左布政使九年回籍十一年起補江西左布政使十二年陞都察院右副都御史巡撫江西地方十三年改大理寺卿
本年被劾降一級調外任

屠僑字

浙江寧波府鄞縣人正德辛未進士

嘉靖十五年由光祿寺卿陞任十八年遷刑部右侍郎尚書

左都御史

胡岳字

直隸松江府華亭縣人正德甲戌進士授刑部

司主事丁憂起復十一年遷雲南司員外郎嘉靖元年陞四

川僉事六年陞湖廣副使九年陞廣西右叅政十年陞福建按察使十二年陞江西右布政使本年調廣西十四年陞江西左布政使十六年陞都察院右副都御史巡撫江西地方十八年陞大理寺卿未任丁憂

牛天麟字

山東東昌府聊城縣人正德戊辰進士授武陟

縣知縣八年擢湖廣道監察御史十四年丁憂嘉靖元年起復補雲南道二年陞河間府知府八年陞陝西副使十年陞山西右叅政十二年陞浙江按察使本年陞都察院右僉都御史管理甘肅屯政十五年行取來京以原職巡撫甘肅地方本年陞右副都御史仍舊巡撫十八年改大理寺卿二十年致仕

汪文盛字

湖廣武昌府崇陽縣人正德辛未進士授饒州

府推官十一年陞兵部主事十六年署員外郎事嘉靖元年陞車駕司郎中二年陞福州府知府六年守制八年起復除浙江提學副使十一年守制十四年補陝西提學副使本年陞雲南按察使十五年陞都察院右僉都御史巡撫雲南地方二十年

召進大理寺卿未任致仕

戴金字

湖廣漢陽府漢陽縣人正德甲戌進士嘉靖十年任廣東道監察御史陞太僕寺少卿十二年降河南叅議

十七年任都察院右僉都御史巡撫順天十八

年降南京太僕寺少卿十九年陞應天府尹二十年改任二十三年加右都御史仍掌寺事二十三年陞兵部尚書詳兵部

劉訥字

河南開封府鄆陵縣人正德丁丑進士嘉靖十六

年任南京通政司右叅議十八年陞大理寺左少卿二十年任都察院右僉都御史本年轉左二十三年陞任二十四年陞刑部右侍郎歷左侍郎二十六年陞南院右都御史二十七年陞

南京工部尚書二十八年改南京刑部尚書改刑部爲民詳刑部

虞守愚字惟明浙江金華府義烏縣人嘉靖癸未進士十三年任大理寺右寺丞十四年丁憂十八年補左寺丞二十年陞左少卿二十二年陞右僉都御史撫南贛二十三年遷江西巡撫右副都御史二十五年改本寺卿未任二十九年起南大理本年陞南刑右侍郎三十年閑住詳南京刑部

李士翱字如翰山東濟南府長山縣人嘉靖癸未進士

二十二年任巡撫寧夏右僉都御史二十六年改任二十七年陞總備戶部左侍郎二十九年歷戶部尚書詳戶部

朱廷立字子禮湖廣武昌府通山縣人嘉靖癸未進士任浙江道提學御史十六年陞南京太僕寺少卿十七年養病二十五年起大理寺左少卿陞都察院右僉都御史二十七年陞任本年遷工部右侍郎二十八年改禮部詳禮部

李珏字

直隸大名府開州人弘治乙丑進士

嘉靖二年任河南兵備副使五年陞巡撫甘肅右僉都御史六年謫戍二十一年陞巡撫山西右僉都御史

二十七年起都察院右副都御史巡撫遼東二十八年改大理寺卿本年致仕

駱顥字君孚四川叙州府富順縣人嘉靖癸未進士

二十七年任巡撫山東右僉都御史二十八年任本年陞戶部右侍郎歷左副南京戶部改左兼僉都御史總督漕運

李香字汝蘭江西袁州府分宜縣人正德辛巳進士二十一年任右副都御史巡撫四川地方二十九年改大理寺卿三十年以違限閑住

馬坤字順卿直隸揚州府通州人嘉靖癸未進士歷河南左布政使三十年陞順天府尹本年陞大理寺卿尋陞戶部右侍郎三十一年左三十四年陞南京工部尚書三十六年改南京戶部三十八年改戶部三十九年閑住

郭鑿字允重山西高平人嘉靖壬辰進士授行人陞工科給事中十一年陞禮科右改刑科左二十年陞戶科都給事中二十一年陞提督四夷館太常寺少卿丁憂二十七年復除原職二十八年陞南京光祿寺卿二十九年陞順天府尹三十年陞南京大理寺卿本年改大理寺卿三十一年陞工部右侍郎三十年轉左三十五年致仕

盧勳字汝立浙江處州府縉雲縣人嘉靖壬辰進士授太常寺博士選禮科給事中十年復除工科十年陞吏科右轉禮科左二十年陞吏科都給事中二十四年陞南太常寺少卿二十五年陞太常寺少卿提督四夷館二十七年轉騰黃右通

政本年陞太僕寺卿二十九年陞巡撫南贛右僉都御史三十年改南院操江右僉都御史三十一年陞南京大理寺卿本年改大理寺卿三十二年陞南京刑部右侍郎三十五年改工部右侍郎尋兼僉都御史提督工程三十六年遷工部左侍郎掌通政司事本年回部三十九年陞南院右都御史四十年陞南京部尚書四十二年致仕

沈良才字德夫直隸揚州府泰州人嘉靖乙未進士任御史二十二年任南大理寺右寺丞二十七年任大理寺右少卿三十年陞撫治鄖陽右僉都御史三十二年陞大理寺卿三十三年陞兵部右侍郎

鄭大同字皆吾福建興化府莆田縣人嘉靖己丑進士授行人

陞吏科給事中

年轉工科右給事中

年轉吏科左

年陞吏科都給事中二十七年陞南京通政司右通政三十一年陞南京太僕寺卿三十二年轉南京太常寺卿尋改南京大理寺卿三十三年改大理寺卿三十四年陞刑部右侍郎

張舜臣字熙伯山東章丘人嘉靖乙未進士授寧晉知縣二十

年陞吏部稽勲司主事本年改驗封司二十一年轉考功二十

二年陞驗封司員外郎二十四年改文選陞稽勲郎中二十五

年轉驗封司又改考功二十六年改文選二十七年陞太僕寺

少卿三十一年陞南太僕寺卿轉太僕寺卿三十二年陞撫治

鄭陽右僉都御史三十三年陞南大理寺卿三十四年改大理寺卿三十六年陞工部右侍郎三十九年丁憂四十一年轉戶部左四十二年陞南京都察院右都御史四十二年陞南京戶部尚書四十五年卒

胡叔廉字明發江西新淦人嘉靖戊戌進士二十九年任應天府丞三十年陞大理寺右少卿三十一年轉左本年丁憂三十四年再任三十五年陞南京光祿寺卿三十六年改北光祿寺卿本年陞大理寺卿三十七年養病

錢邦彥字治卿直隸吳縣人嘉靖乙未進士授江西高安知縣調浙江縉雲知縣十七年陞吏部稽勲主事十八年改驗封司

二十年轉考功二十年改文選二十一年陞稽勲司員外二十二年改驗封又改文選陞稽勲郎中二十三年轉驗封二十四年改考功二十五年陞南京通政司右叅議二十九年陞南京太常寺少卿三十二年陞南京光祿寺卿三十三年陞南京太常寺卿三十四年陞南京大理寺卿三十七年改大理寺卿本年陞南京刑部右侍郎四十年丁憂四十三年起刑部左侍郎四十四年陞南京刑部尚書隆慶元年致仕

馬森字孔養福建懷安人嘉靖乙未進士

十六年任巡撫江西右副都御史三十七年陞戶部右侍郎調大理寺卿三十九年陞總儲戶部右侍郎四十年養病四十一

年起南京工部右侍郎四十二年陞戶部左侍郎四十四年陞
總督漕運都察院右都御史四十五年陞南京戶部尚書隆慶
元年改戶部三年致仕

劉學易字道南山東壽光人嘉靖戊戌進士三十二年任南太
僕寺少卿三十二年改北三十四年陞大理寺右少卿本年轉
左三十六年陞撫治鄖陽右僉都御史三十八年陞大理寺卿
三十九年陞工部右侍郎四十年致仕

葉鏗字汝聲江西上饒人嘉靖辛丑進士歷戶科都給事中三
十一年陞順天府丞三十五年陞應天府尹三十六年陞南京
大理寺卿三十九年陞大理寺卿四十年陞刑部右侍郎轉左

四十二年調南京刑部

邢尚簡字原敬山東昌邑人嘉靖辛丑進士任御史三十三年
陞南京大理寺丞三十六年陞大理寺左少卿三十七年陞都
察院右僉都御史四十年陞大理寺卿

萬家字一和江西豐城人嘉靖甲辰進士由中書二十六年陞
吏部考功主事二十九年改文選三十一年陞考功司員外郎
三十二年陞稽勲司郎中三十三年調驗封三十四年轉考功
三十五年改文選司陞騰黃右通政三十八年陞太僕寺卿三
十九年陞順天府尹四十年陞大理寺卿四十一年歸闕住

國朝列傳紀卷之九十一終

國朝列卿紀卷之九十二

南京大理寺卿年表

湯

宗

浙江平陽人洪武中監生永樂六年任大理寺右寺丞洪熙元年任宣德二年卒於官

胡

槩

江西吉水人進士洪熙元年任本年巡撫兩浙詳都察院右都御史

陳

勉

江西寧都人進士宣德十年任詳南院右都御史

薛

瑄

山西河津人進士景奉二年任詳內閣

龔

永吉

浙江義烏人永樂庚子鄉舉歷南京禮部右侍郎天順元年改任成化二年致仕

馬

文升

河南鈞州人進士成化元年任二年丁憂詳吏部尚書

夏

時正

浙江仁和人正統乙丑進士成化五年任尋命巡視江西六年致仕卒

邢

簡

陝西咸寧人進士成化十三年任詳戶部右侍郎

宋欽

陝西乾州人正統乙丑進士成化十一年任巡撫貴州右僉都御史十四年任十七年致仕

吳道宏

四川宜賓人天順丁丑進士成化十八年任弘治三年致仕

章格

直隸常熟人景泰辛未進士弘治四年任九年致仕

楊守隨

浙江鄞縣人進士弘治九年任十三年改大理寺卿加工部尚書詳大理寺卿

魏富

福建龍溪人進士弘治十三年任詳刑部右侍郎

韓邦問

湖廣襄陽衛籍浙江會稽人進士正統元年任詳刑部左侍郎

劉纓

江西新淦人蘇州衛籍進士正德三年任詳南京刑部尚書

胡富

直隸績溪人進士正德三年任詳南京戶部尚書

林廷選

福建長樂人進士正德四年任詳南京工部尚書

屈直

直隸華陰人成化甲辰進士正德四年任見總督漕運副都御史

戈瑄

直隸景州人進士正德五

年任詳南京刑部尚書

郭紳

江西宜春人進士正德六

年任詳南京刑部右侍郎

郭欽

直隸盧龍人成化戊戌進士正德五

年任南京光祿卿七年任八年致仕

于鳳階

山東萊陽人成化辛丑進士正德八年

由南京太僕寺卿陞任十年卒於官

洪遠

直隸欽縣人進士正德十

年任詳南京工部尚書

任漢

四川溫江人成化丁未進士正德十一

年由巡撫江西養病起任十六年致仕

陳琳

福建莆田人弘治丙辰進士嘉靖元年由巡

撫江西右副都陞任詳南京兵部右侍郎

王珮

直隸蔡州人進士嘉靖三年以巡撫

陝西右副都改任詳兵部右侍郎

楊一漢

廣東南海人弘治己未進士嘉靖二年江遷

撫貴州右副都五年任本年以前任劾免

傅習

江西進賢人弘治丙辰進

士嘉靖七年推補未任卒

葛浩 浙江上虞人進士嘉靖八年任詳大理寺卿

張羽 陝西南鄭人弘治乙丑進士嘉靖九年由南太僕寺卿陞任詳南京工部右侍郎

潘旦 直隸婺源人弘治乙丑進士嘉靖十年任兩廣總督侍郎

洗光 廣東順德人弘治丙辰進士嘉靖九年陞南光祿寺卿十一年任十三年陞南京工部右侍郎十四年調南常卿

孟洋 河南信陽衛人弘治乙丑進士嘉靖十三年由總儲右僉都陞任本年卒於官

王潮 直隸丹徒人弘治戊辰進士嘉靖十三年由巡撫遼東右副都陞任詳南京戶部右侍郎

汪珊 直隸貴池人正德辛未進士嘉靖十五年任巡撫貴州右副都十七年任詳南京戶部右侍郎

董天錫 江西寧都人南京工部尚書越子弘治丙辰進士嘉靖十八年任二十年致仕

王學夔 江西安福人正德甲戌進士嘉靖二十年任南京兵部尚書

李顯 浙江樂清人正德戊辰進士嘉靖二十一年由南贛右副都推未任以違限闕任

喻茂堅

四川榮昌人正德辛未進士嘉
靖二十二年任詳刑部尚書

魏有本

浙江餘姚人正德辛巳進士嘉靖二十三年
由德儲右副都任詳總督漕運右都御史

方 鈞

湖廣巴陵人正德辛巳進士嘉靖二十八年
二十九年陞南京戶部右等詳刑部尚書

虞守愚

浙江義烏人嘉靖癸未進士二
十九年任詳南京刑部右侍郎

郭 荃

山西高平人嘉靖壬辰進
三十年任詳工部左侍郎

余胤緒

湖廣應城人嘉靖丙戌進
本年推戶部總督右侍郎

盧 勳

浙江縉雲人嘉靖壬辰進
十一年任詳南京刑部

鄭大同

福建莆田人嘉靖巳丑進
三十二年任詳刑部右侍郎

張 鏊

江西南昌人嘉靖丙戌進
太常寺卿陞任二十三年詳南京工部侍郎

張舜臣

山東章丘人嘉靖乙未進士三
十三年任詳南京戶部尚書

國朝列卿紀

卷之九十一

三

張鏊

錢邦彥

直隸吳縣人嘉靖乙未進士三十四年任詳南京刑部尚書

石永

直隸威縣人嘉靖壬辰進士三十六年任詳總督川湖貴州

葉鏗

江西上饒人嘉靖辛丑進士三十七年任詳刑部左侍郎

呂光洵

浙江新昌人嘉靖壬辰進士三十九年任見南京工部尚書

董威

河南信陽人嘉靖辛丑進士四十年任本年回籍

鮑道明

直隸歙縣人嘉靖戊戌進士四十年任詳南京戶部尚書

孫植

浙江平湖縣人嘉靖乙未進士四十年任見南京刑部尚書

徐陟

直隸華亭人嘉靖丁未進士四十年任詳南京工部右侍郎

王燾

直隸崑山人嘉靖癸未進士四十年任見南京刑部尚書

吳佛

江西金谿人嘉靖壬辰進士四十年任陞南京刑部尚書

方廉

浙江新城人嘉靖辛丑進士隆慶元年任陞總督漕運右副都

張守直

順天遵化人嘉靖甲辰進士隆慶元年調任陞南京戶部右侍郎

徐貢元

直隸繁昌人嘉靖辛丑進士隆慶二年任

劉愨

江西萬安人嘉靖甲辰進士隆慶四年由太僕寺卿陞任

朱太器

江西南城人嘉靖甲辰進士隆慶四年任

董傳策

直隸上海人嘉靖庚戌進士隆慶五年由南光祿寺卿任

杜拯

江西豐城人嘉靖戊戌進士隆慶六年任

陶承學

浙江會稽人嘉靖丁未進士萬曆元年任詳南京禮部尚書

汪宗伊

湖廣崇陽人嘉靖戊戌進士萬曆三年任詳南京吏部尚書

嚴清

雲南後衛人嘉靖甲辰進士萬曆三年由貴州巡撫陞未任詳吏部尚書

王世貞

直隸太倉人嘉靖丁未進士萬曆三年以鄞陽巡撫陞未任

宋儀望

江西永豐人嘉靖丁未進士萬曆五年任

陸光祖

浙江平湖人嘉靖丁未進士萬曆五年以大理寺卿陞關起

王凝

湖廣宜城人嘉靖丙辰進士萬曆六年任本年陞兵部右侍郎未任卒

劉斯潔

直隸易州人嘉靖丁未進士萬曆七年任

陳道基

福建同安人嘉靖庚戌進士萬曆七年任

劉志伊

浙江慈谿人嘉靖丙辰進士萬曆九年任十一年改北

王廷瞻

湖廣黃岡人嘉靖己未進士萬曆九年由巡撫南贛右副都任本年陞南京戶部侍郎

王緝

山西定遠人嘉靖己未進士萬曆十一年由南贛右副都任陞南京戶部右侍郎

舒化

江西臨川人嘉靖己未進士萬曆十一年任本年陞刑部右侍郎

孫光祐

山西絳州人嘉靖壬戌進士萬曆十一年九月由四川巡撫陞來任十二年陞南京工部侍郎

張孟男

河南中牟人嘉靖乙丑進士萬曆十二年由南京太常卿任十三年陞南京工部右侍郎

亦九功

河南南陽人嘉靖乙丑進士萬曆十三年由南京太常寺卿任十四年七月陞南京工部右侍郎

李汶

直隸任丘人嘉靖壬戌進士萬曆十四年由巡撫陞西右僉都陞未任養病

舒應龍

廣西全州人嘉靖壬戌進士萬曆十四年由貴州巡撫右副都陞未任十五年十月陞南京工部右侍郎

沈玄華

浙江秀水人嘉靖壬戌進士萬曆十五年任十六年省親

余立

廣西柳州人嘉靖壬戌進士萬曆十六年由巡撫陞天右副都陞未任養病

王湘

濟寧衛籍平度州人嘉靖乙丑進士萬曆十六年七月由南京太僕寺卿任十七年三月回籍

朱天珠

福建漳浦人嘉靖庚戌進士萬曆十七年任

張櫟

江西新城人嘉靖己未進士萬曆十七年任十八年陞南京工部侍郎

陳文燭

湖廣沔陽人嘉靖乙丑進士萬曆十八年任十九年回籍聽調

沈節甫

浙江烏程人嘉靖己未進士萬曆十九年任

南京大理寺卿行實

湯宗字宗浙江温州府平陽縣人洪武中監生任北平按察司僉事革除元年劾按察司陳瑛受燕府金有異謀命逮瑛安置廣西永樂六年任大理寺右寺丞洪熙元年任宣德十二年卒於官

胡槩字元節江西吉安府吉水縣人永樂辛卯進士歷廣東按察使洪熙元年陞大理寺卿本年巡撫兩浙及蘇松常鎮詳都察院右都

陳勉字希進江西贛州府雩都縣人永樂丙戌進士歷左副都御史宣德十年改南京大理寺卿景泰元年陞南京都察院右

都御史

薛瑄字德溫山西平陽府河津縣人永樂辛丑進士景泰元年任大理寺丞乞休學士江淵上疏留之二年陞南京大理寺卿有富豪殘虐人命執法欲貸之瑄曰死者何辜竟抵於法明斷之譽播於民謠詳內閣

龔永吉字天民浙江金華府義烏縣人永樂庚子鄉舉授兵部職方主事陞武選司郎中以軍功歷大理寺少卿天順元年陞兵部右侍郎轉南京禮部右侍郎年調南京大理寺卿見南京禮部

馬文升字負圖河南鉤州人景泰辛未進士歷福建按察使成

化乙酉陞南京大理寺卿尋丁憂詳吏部尚書

夏時正字季爵浙江杭州府仁和縣人正統乙丑進士成化四年歷南京太常寺少卿五年陞南京大理寺卿巡視江西詳江西巡撫

邢簡字居敬陝西西安府咸寧縣人景泰甲戌進士成化九年歷順天府尹十三年陞南京大理寺卿詳戶部右侍郎

宋欽字

陝西西安府乾州人正統乙丑進士

成化十一年任巡

撫貴州右僉都御史十四年陞南京大理寺卿十七年致仕

吳道宏字

四川敘州府宜賓縣人天順丁丑進士成化

年任監察御史十三年陞大理寺少卿撫治鄖陽等處提督軍務十八年陞南京大理寺卿弘治三年致仕

章格字

直隸蘇州府常熟縣人景泰辛未進士歷福建左

布政弘治三年陞南京光祿寺卿四年陞南京大理寺卿九年

致仕

楊守隨詳大理寺卿弘治九年致仕

魏富字重禮福建漳州府龍溪縣人成化丙戌進士由御史歷

江西按察使弘治六年任巡撫順天右僉都御史七年養病十

一年起南京大理寺左少卿十三年陞本卿詳刑部右侍郎

詳邦閔字大經浙江紹興府會稽縣人成化己丑進士授大

寺評事弘治十一年補廣東左布政十二年陞巡撫江西右副都所至有惠政因忤當道抗章請老十七年復起巡撫河南右副都御史正德元年陞南京大理寺卿戊辰陞刑部左侍郎詳刑部侍郎

劉纓字與清江西新淦人蘇州衛籍成化戊戌進士授武陵知縣以辦治入爲河南道御史一時稱爲才御史弘治九年陞太僕寺少卿十二年陞巡撫四川右僉都養病十八年起原官正德二年起巡撫湖廣右僉都御史戊辰陞南京大理寺卿尋召爲兵部右侍郎詳南京刑部尚書

胡富字永年直隸徽州府績溪縣人成化戊戌進士授南京大

理寺評事歷右寺正弘治年陞福建僉事丁憂復補山東十
年陞廣東副使十五年陞湖廣按察使十七年陞陝西右布政
使正德元年轉左二年陞順天府尹三年陞南京大理寺卿忤
逆瑾勒致仕詳南京戶部尚書

林廷選字舜舉福建福州府長樂縣人成化辛丑進士任御史

累官

布政使正德四年陞南大理寺卿詳南工部尚書

屈直字

陝西西安府華陰縣人成化甲辰進士授刑部主

事歷員外郎郎中十年陞重慶知府正德元年陞河南左叅政

二年陞浙江按察使三年陞河南左布政未任陞太僕寺卿尋

陞總督南京糧儲右副都御史器年陞南京大理寺卿本年改

漕運詳漕運總督

戈瑄字良玉直隸景州人成化乙未進士授知縣擢御史所至著有風裁弘治七年陞四川兵備副使十五年陞山東按察使十八年陞浙江右布政正德元年轉江西左二年陞南院右副都三年改都察院左副都御史改南京大理寺卿五年陞南京刑部右侍郎詳南京刑部尚書

郭紳字廷章江西袁州府宜春縣人成化乙未進士授海寧令擢御史弘治二年陞襄陽知府十一年陞苑馬寺卿轉左

布政使正德五年歷南京太僕寺卿六年陞南京大理寺卿七年陞南京刑部右侍郎詳南京刑部

菲欽字

直隸永平府盧龍縣人成化戊戌進士正德五年

由山西行太僕寺卿陞南京光祿寺卿七年陞南京大理寺卿八年致仕

于鳳階字

山東登州府萊陽縣人成化辛丑進士正德五

年任太僕寺少卿七年陞南京太僕寺卿八年陞南京大理寺卿十年卒於官

洪遠字克毅直隸徽州府歙縣人成化戊戌進士授莆田知縣改濬縣復補交河弘治七年拜南道御史十三年陞浙江僉事十七年轉本副使正德二年調湖廣四年陞廣西按察使五年陞四川右布政使六年陞陝西漕布政使本年陞巡撫雲南右

副都御史十年改南京大理寺卿於獄情深求者多所平反廷
中稱平詳南京工部尚書

任漢字

四川成都府溫江縣人成化丁未進士正德五年

任江西左布政七年陞右副都御史巡撫江西時廣饒賊等處
羣賊蝟起姚源賊執叅政吳廷舉華林賊殺副使周憲父子漢
束手無策九年三月以養病歸十年起撫治鄖陽右副都御史
十一年陞南京大理寺卿十六年致仕

陳琳字玉疇福建興化府莆田縣人弘治丙辰進士任南京提
學御史忤逆瑾謫揭陽縣丞七年起爲山東提學副使

正德十六年任巡撫江西右副都御史嘉靖元年陞

南京大理寺卿三年陞南京兵部右侍郎六年致仕

王翊字

直隸永平府灤州人弘治己未進士正德七年由

刑科都給事中陞順天府丞九年陞巡撫山西右僉都御史十一年降浙江叅議十四年陞巡撫山東左僉都御史十六年以右副都御史巡撫陝西嘉靖三年遷南京大理寺卿歷兵部右侍郎詳兵部

楊一漢字

廣東廣州府南海縣人弘治己未進士任戶科

左給事中陞吏科都給事中正德六年陞順天府丞丁憂十年起太僕寺少卿十四年陞提督四夷館太常寺卿嘉靖三年陞巡撫貴州右副都御史五年改南大理寺卿本年以前任劾免

傅習字

江西南昌府進賢縣人弘治丙辰進士

嘉靖四年任巡撫雲南右副都御史六年聽調七年推補南京大理寺卿未任卒

葛浩見大理寺卿嘉靖七年任

張羽字

陝西西安府南鄭縣人弘治乙丑進士嘉靖八年

由貴州左布政使陞南京太僕寺卿九年陞南京大理寺卿詳南京工部右侍郎

潘旦字

直隸婺源人弘治乙丑進士授戶部雲南司主事

嘉靖七年歷浙江右布政使八年陞撫治鄖陽右副都御史十年陞南京大理寺卿十一年陞南京吏部右侍郎詳總督兩廣

先光字

廣東順德縣人弘治丙辰進士授江西安仁知縣

丁憂補泰興擢陝西道御史乞終養嘉靖六年起南京通政司右叅議八年陞太僕寺少卿十年陞南京光祿寺卿十一年陞南京大理寺卿十三年陞南京工部右侍郎

余胤緒字思孝湖廣德安府應城縣人嘉靖丙戌進士任南京戶部主事七年陞吏部稽勳司主事八年改文選九年陞考功司員外郎十一年陞驗封司郎中改考功以考察京官閑住二十四年起南京通政司右叅議二十九年陞南京太僕寺少卿本年改北三十年陞南京太僕寺卿三十一年陞南京大理寺卿本年推戶部總儲右侍郎以濟恩不到閑住

卷終

國朝列卿紀卷之九十三

國初大理寺左右少卿年表

劉惟敬

見卿吳元年任
少卿定律令

盛原輔

人吳元年任大理寺少卿
洪武元年陞刑部侍郎詳國初吏部

世家寶

河南臨潁人國初歸附洪武元
年任右少卿詳國初刑部尚書

王源

人以茶陵衛知事試左少卿
洪武十五年

張廷蘭

見卿洪武二十
年任左少卿

唐盛

見本寺卿洪武二十年任
右少卿二十一年轉左

趙和

人洪武中爲舉二十
一年任右少卿二十五年免

曹銘

陝西會寧人進士洪武二十五年
任右少卿詳都察院左都御史

馬

瑛

山西夏縣人洪武中歲貢三十七年任右少卿三十年調刑部郎中後卒於官

汪

善

直隸潛山人洪武中國子生三十一年任左少卿革除三年調河南按察司副使尋卒於官

聞良輔

浙江德清人洪武中歲貢三十一年任右少卿革除三年調湖廣副使歷廣東按察使後省墓卒於家

薛

崑

見卿革除三年任左少卿

胡

閏

江西鄱陽人洪武中薦舉革除三年任右少卿四年死靖難

袁

復

直隸寶應人洪武中以能書舉革除四年任右少卿永樂四年劾去

虞

謙

直隸金壇人革除四年任左少卿詳大理寺卿

呂

震

見卿永樂元年任左少卿

吳

中

山東武城人監生永樂二年任左少卿詳工部尚書

殷

本

山西臨汾人洪武癸酉鄉舉永樂四年任左少卿

李謙

直隸灤州人

洪武中監生

永樂八年任右少卿十五年

周彥奇

名正江西吉水人洪武中舉永樂十五年任左少卿十九年致仕

柴震

浙江烏程人永樂初監生十年任右少卿十八年卒于官

國初大理寺左右少卿行實

劉惟敬見卿吳元年任少卿定律令

盛原輔字

人吳元年擢監察御史本年以修

律令陞大理寺少卿洪武元年陞刑部右侍郎本年調山東行
省參政詳國初吏部

世家寶字

河南臨潁縣人故元學士守膠東登萊附王師

洪武元年授大理寺右少卿尋拜禮部侍郎詳國初刑部尚書

王源字

人任湖廣茶陵衛知事洪武十五年試

大理寺左少卿

張廷蘭詳卿洪武二十年任左少卿

唐盛詳本卿洪武二十年任右少卿二十一年轉左

趙和字

人洪武中薦舉二十一年任右少卿

二十五年免

曹銘字

陝西鞏昌府會寧縣人洪武乙丑進士授兵科給

事中才名甚著二十一年陞大理寺右寺丞二十五年陞大理

寺右少卿上眷遇甚隆二十六年丁外艱詳國初左都御史

馬瑛字

山西平陽府夏縣人洪武中歲貢二十七年任右

少卿三十年調刑部郎中後卒於官

汪善字

直隸安慶府潛山縣人洪武中國子生三十一年

任左少卿革除三年調河南按察司副使尋卒於官

聞良輔字

浙江湖州府德

縣人洪武中薦舉三十一

任右少卿革除三年調湖廣按察司副使歷廣東按察使後省墓卒於家

薛崑見卿革除三年任左少卿

胡閏字

江西饒州府鄱陽縣人洪武中薦舉革除中任左

補闕三年陞右少卿四年死靖難

袁復字

直隸揚州府寶應縣人洪武中以能書舉革除四

年任右少卿永樂二年命副夏原吉往蘇州疏通舊河港三年賑濟蘇松嘉湖四年劾去

虞謙詳大理寺卿革除四年任左少卿

呂震詳卿永樂元年任左少卿

吳中字司正山東東昌府武城縣人監生永樂改元以功陞大理寺丞二年陞左少卿詳工部尚書

殷本字

山西平陽府臨汾縣人洪武癸酉鄉舉永樂四年

任左少卿

李謙字

直隸永平府灤州人洪武中監生永樂八年任右

少卿十五年以事調南陽府知府洪熙元年復南京大理寺左少卿

周彥奇名正江西吉安府吉水縣人洪武中薦舉永樂十五年

任左少卿十九年致仕

卷終